



Beroaren eraginez kostata, baina itzali dituzte hiru suteak.

Nafarroako azken egunotako hiru suteak itzalita jada

A.B. / IRUNEA

Ibiriku (Eguesibar), Taxoare (Aranguren) eta Lizarran azken egunotan izan diren suteak kontrolatuta gelditu ziren atzo goizean, diputazioaren suhiltzaileek eta boluntarioek egin lanari esker. Ibirikukoa, Etxalatz, Elia eta Erantsusko dermioak kaltetu zituen, berpiztu egin zen herenegun gauetz, menderatuta egon ondoren. Atzo lan handia izan zen bertan suak mozteko bideak irekitzen eta azken garrak kontrolatzen, eta helikopteroa, matxuratuta gelditu zena, berriro konpondu eta miaketa lanei ekin zien.

Taxoarekoa, bestalde, kontrolpean zegoen atzo arratsaldean, baina suhiltzaile taldeak bertan gelditu ziren su txikiak eta azken garrak itzaltzeko.

Orobat, ostegun arratsaldean Lizarra inguruan piztu zen sutea itzaltzea lortu zuten suhiltzaile eta boluntarioek, hirurogeitamabost olibondo erre ondoren. Sutea arratsaldeko 20.30etan hasi zen landetxe baten ondoan, eta bertako olibondoak guztiz kiskaldu zituen. Ondo ondoan zegoen 'Santo Domingo' zaharren egoitza arriskuan egon zen une batez, eta balizko ebakuaketarako zerbitzu guztiak prest zeuden ordurako.

Bergarako gazte bat hilik Arlet mendi tontorrera zihoala erori eta gero

DONOSTIA

Pedro Jose Elgoro-Erriben Garitano hogeitabat urteko gazte euskalduna hil zen herenegun, Huescan dagoen Arlet mendi tontorrera igotzen ari zela erori eta gero. Huescako Hecho herrian dago Arlet gailurra eta hantxe gertatu zen ezbeharra. Hala adierazi zuen Huescako Gobernu Zibila.

Bergarra (Gipuzkoa) zen jaio-terez Pedro Jose Elgoro-Erriben gaztea. Goardia Zibilaren Mendi Erreska-

teko kideek Huescako gorpu depositura eraman zuten Pedro Jose Elgoro-Erriben gaztearen gorpua, eguerdiko ordubata t'erdia aldera. Gorpua garraiatze lanetan aritu zen baita ere, Goardia Zibilaren helikopteroa. Zailtasun dexente izan zituzten euskaldun gaztearen gorpua Arlet menditik jaisterakoan, baina helikopteroa oso lagungarri gertatu zitzaizen erreskate lanetan zebiltzanei. Gogoratu, ezbeharra herenegun gertatu zela, eta bertan hil zen Pedro Jose Elgoro-Erriben gazte bergarra.

Itzulera operazioa

Bi pertsona hilik eta zauritu ugari azken egunotan izandako istripuetan

Goiz parteko euri jasak ezbehar anitz eragin zituen euskal errepideetan


Bi pertsona hil dira eta bost zaurituta gertatu dira itzulera operazioaren bigarren egunean. Herenegun Laudion izandako istripuan andre bat hil zen eta beste hiru lagunek zauriak izan zituzten. Atzo izandako istripu larrienean, portugaldar bat hilik gertatu zen Donostian.

A.O./I.A. / DONOSTIA

Goizaldeko seiak inguruan izan da Donostiako istripua, Frantziako 7743-SF-37 matrikuladun Mercedes 609D furgonetak farola bat jo duenean. Istripua N-1 errepideko 460. kilometroan izan da Rezolako bihurgunean, Donostiako Añorga auzoan. Ibilgailuaren barruan bi portugaldar zihozten. Joaquin Rodrigues Moreira 46 urtekoa eta Frantziako Saint Maur des Fosses herrian bizi zena, hil egin da. Farola furgoneta gainera erori eta barruan sartu denez, erreskate taldeen laguntza behar izan da hildakoaren gorpua ateratzeko. Jose Antonio M. da S. furgonetan zihozan bigarren portugaldarrak, sudurreko hezurak hautsi zituen eta Donostiako Gurutze Gorriko ospitalera eraman zuten.

M.U.C. 26 urteko urduñarra hil zen herenegun Laudion izandako istripuan, bi kotxeek elkar jo zutenean. Istripua arratsaldeko sei etan izan zen, oraindik ezagutzen ez diren arrazoiak direla eta. Hildakoaren senarra eta alaba Basurtoko Ospitalean daude ingresaturik eta beste autoko gidaria Gurutzetako ospitalean dago. Atzo beste istripu bat izan zen Agurainen, N-1 errepidean eta bertan zauritu larri bat izan zen.

Istripuez gain, ez zen aparteko arazorik nabari atzo Euskal Herriko errepideetan. Istripuak ugariak izan



Kotxe iladak ere sortu ziren atzo euskal errepideetan.

JOXEAN GOYA

ziren, eta goiz partean egin zuen euri jasa indartsua ez zen batere mesedegarri izan errepideen segurtasunerako. Goizean arazo dexente egon zen errepideetan, baina egoerak normaltzera egin zuen arratsalderako.

Gipuzkoari dagokionez, hiru kilometro luzerako kotxe ilada zegoen Biriaturko mugan. Oporrak pasa eta Frantzia aldera doazen kotxeek eragin zuten kotxe errenka luzea. Zirkulazioa ugaria izan zen egun guztian zehar, baina arratsalde partean ez zen kotxe iladarik sortu. Araban ere ez zegoen aparteko arazorik, istripuez gain noski, eta kotxe kopurua asko ugartu zen. Arabako punturik arriskutsuena Gasteiztik Bilbora eta Donostiara doan autobia da.

Bizkaian ere normaltasuna zen nagusi 'itzulera operazioaren' bigarren egunean. Muskiz eta Basauriko bidegurutzeak dira herrialde honetako punturik arriskutsuenetarikoa, baina atzo ez zen kotxe iladarik izan. Hori bai, zirkulazioa etengabekoa zen egun guztian. Nafarroan ere nahiko lasaia zen egoera, eta Ipar Euskal Herrian normaltasuna zen nagusi.

Ostiralean arratsaldeko hiruretan hasi zen 'itzulera operazioa' Euskal Autonomi Elkartearen, eta eguerdiko hamabi t'erdietan Nafarroan. Orduanik 600 ertzain inguru dabilta EAEko errepideak zaintzen, eta beste hainbat goardiz zibil Nafarroako errepideak zaintzen.



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

HEZIKETA FISIkoa, MUSIKA-HEZIKETA ETA HIZKUNTZA MODERNOEN ESPEZIALIZAZIO-IKASTALDIETARAKO ONARTUAK IZAN DIREN EDO ERRESERBAN DAUDEN HAUTAGAIENTZAKO GAITASUN-AZTERKETAK

Heziketa Fisikoa, Musika-heziketa eta Hizkuntza Modernoen espezializazio-ikastaldietarako onartuak izan diren edo eta erreserba-zerrendan dauden hautagaiak jakinerazten zaie gutxieneko maila edo gaitasun-azterketak ondoren aipatzen diren leku eta egunetan egingo direla:

Heziketa fisikoan espezializazioa:

Eguna: 91 / 9 / 2. Ordua: 17.00. Lekua: Larrabide stadiumean.

Musika-heziketan espezializazioa:

Eguna: 91 / 9 / 4. Ordua: 16.00. Lekua: Arrosadia unibertsital campuseko T-2 ikasgelan.

Ingeles eta frantsesean espezializazioa:

Eguna: 91 / 9 / 3. Ordua: 17.00. Lekua: Arrosadia campuseko ikasgelatokian.

Irakasle berrientzako GLOTODIDAKTIKA IKASTAROA IRAILEAN

Apuntatzeko: Konpañia
kalea, 25 - 2.
Tfnak.: 22 02 13
Antolatzailea:
Nafarroako AEK

EUSKARA IRAKASLEAK BEHAR DIRA EGUN ERDIZ ETA EGUN OSOZ ARITZEKO

Baldintzak: EGA eta diplomatura edo lizenziatua izatea.
Bidalit curriculum irailak 10a baino lehen helbide honetara.
LEGAZPI 6 EUSKALTEGIA 3 BEHEA DONOSTIA

SAKANAN

EUSKARA IRAKASLEAK BEHAR DIRA:

- EGA izatea eskatzen da
 - Irailean, irakasle berrientzako glotodidaktika ikastaroa izango da.
- Tfnak.: (948) 46 71 63 / 56 36 51
Sakanako AEK

HAURTZARO IKASTOLAK

Lizentziatua behar du Matematika ihardun erdiz eta Marrazketa Teknikoa emateko. Interesatuak bidaltzeko curriculum lehen bait lehen. Elorrondo kalea, z/g. Tfn.: 49.16.59
20180 OIARTZUN

IRAKASLEAK BEHAR DIRA

Gasteizen, irakaskuntzan, Euskalduntze Proiektu batean diharduen ikastetxe batek hastear dagoen ikasturterako irakasleak behar ditu.

EZINBESTEKOAK: Sare publikoan aritua izana.
Egun, behin betiko edo behin behineko egoera administratibo moldez.
Eskolaurreko esperientzia eta praktika izatea (ERDI ZIKLORAKO ERE BADA LANPOSTU BAT).

Interesatuok dei egin lehen bait lehen:
Goizetan eta bulego orduetan (945) 22 82 58
Bulego orduz kanpo eta asteburuan (945) 27 21 28 / (943) 81 02 97